


寒松草堂試律



寒松草堂試律

光緒己丑冬月
丹陽東氏棊板



寒松草堂試律目錄

日下五色雲

花雨從天來

鍾馗擊鬼圖

慈母手中線

遼東小婦年十五

詩緣吟苦作窮媒

高峰寒上日

寒松草堂試律

目錄

王播投齋

秋末晚菘

清江飲君馬

張良受書

武鄉祠

閒坐小窗讀周易

垂老始知安樂法

與林詔求微時故劍

吾亦愛吾廬

李白雪夜飲酒聽客唱鷓鴣

岩薨太華俯咸京

天街雨後綠槐風

天台仙子送劉阮還家

越王歌舞春風地

李白春夜宴桃李園

碑到百蠻開

寒松草堂試律

目錄

退身江海應無用

金谷園

馮驩爲孟嘗君焚券

君向瀟湘我向秦

買絲繡作平原君

遠道空歸去

聊贈一枝春

海棠銀燭度春宵

李都尉從軍

隔江便是屈原祠

荒村唯古木

翦寇人皆賀

月中聞擣萬家衣

孤燈寒照雨

陳搏墜驢

椒山自有膽

寒松草堂試律

目錄

壯士拂劍

抱葉寒蟬靜

到窗寒鼓溼無聲

胡人向月吹胡笳

詩境遇僧閒

只談風月

李鄴侯歸衡山

十年一覺揚州夢

其二

至今白使君猶在

籬下菊花憐我瘦

胡騎中宵堪北走

茅茨隱紅葉

海山宮闕醉蟠桃

開元宮人縫戰袍

白樂天和浙西李大夫聽小童薛陽陶吹觱篥歌

寒松草堂試律

目錄

四

蘇晉逃禪

奇文共欣賞

浩歌待明月

湘水無情弔豈知

武陵一曲想南征

韓蘄王湖上騎驢

泥佗沽酒拔金釵

停梭悵然憶遠人

花入曝衣樓

落花時節又逢君

松月生夜涼

野寺寒塘曉

我是玉皇香案吏

自公退食一爐香

露筋祠

小婦破煙操去艇

寒松草堂試律

目錄

東風日煖聞吹笙

關山月

王母晝下雲旗翻

城上胡笳奏

流水聲中視公事

漢文有道恩猶薄

廣文先生官獨冷

黃葉前朝寺

塔上一鈴獨自語

僧敲月下門

尙能豪縱醉江樓

碁罷正留僧

移燈看影憐渠瘦

西入潼關雲樹愁

曉角滿城霜

如此江山坐付人

寒松草堂試律

目錄

喬木荒城古渡頭

白頭宮女在

有酒惟澆趙州土

老不登科文愈古

虛舟

五月江深草閣寒

玉堂金殿要論思

邯鄲才人嫁爲廝養卒婦

耽酒須微祿

其二

南窗石瘦竹疏疏

園林帶雪潛生草

襟上杭州舊酒痕

寒松草堂試律

目錄

七

樽上遊仙舊酒痕

園林帶雪潛生草

南窗石瘦竹疏疏

其二
寒松草堂試律

樽上遊仙舊酒痕

寒松草堂試律

杭嘉晉 康少谷甫著

襄平延 茂松巖

校刊

鐵嶺宜 振春宇甫選

鐵嶺崇 恩伯鴻

日下五色雲

捧日五雲紅祥符韓魏公看花要晚節及第領春風
瑞合山川氣名高社稷功御題臚殿下華蓋起封中
寶鑑珠輪擁金枝玉葉籠文章堪國選錦繡奪天工
一代巍科重千秋景運隆

寒松草堂試律

明良徵象緯瞻就萬方同

花雨從天來

一花來一佛佛國度花中法雨垂珠絡禪天覆繡幃

潤將三界土散入五家風供養彌兜率莊嚴幻化工

獅林飄菽菽龍樹漑濛濛徧灑閻浮世曾開帝釋宮
本無根蒂著究竟色香空拈取標真教親宣震旦東

鍾馗擊鬼圖

駿騎五花驄鬃鬃亡是公登科徵夢裏擊鬼入圖中

蒲劍連環碧榴袍捧笏紅精神來颯爽尸氣渙冥濛
杵勢金剛副錐形力士同畏途前路少捷徑故山空
厭勝殊兒戲祛邪仗畫工未堪輕粉飾臺閣狀穹窿
慈母手中綫
母慈垂一綫相繫意何窮游宦俱身外恩勤出手中
甄燈纒夜月蘆箔綻秋風籠勒絲絲入鍼穿縷縷同
淚痕深不掩心孔密全通斷續無遺憾劬勞那計工
百年頭盡白十指血猶紅堪惜牽裾別天涯逐轉蓬

寒松草堂試律

二

遼東小婦年十五

十五單于婦登場技便工相將逢帳下生小住遼東
亭障盧龍繞鄉閭白豕充問庚符望月結子祝春風
部每依蕃將門長託塞翁展眉年恰好辮髮俗還同
刁斗繩垣外琵琶毳幕中鶯兒休浪打闌夢亦恩恩
詩緣吟苦作窮媒
假作行媒喻詩人例得窮祇緣吟不了每與苦相攻
搖落悲生事侵淫入變風名爭鐘鼎外身老布衣中

閒亦將門閉貧真有筏通才因磨益勁文喜送能工
脂膩情全洗金銀氣已空蹇修何處問牢落付秋蟲
高峰寒上日
陽臺無處所合沓隱高峰日上秋光薄寒餘曙色濃
山樓穿疊疊棧道歷重重列嶂晴初溼層巒凍尙封
峽猿乘霧嘯江鳥背霞衝斑細凌巖菊光微射澗松
煙中明橋袖天外削芙蓉欲發登臨興翻成曝背慵
王播投齋

寒松草堂試律

三

錯過升堂會投齋竟未容監河從貸粟入寺愧聞鐘
已絕矧飢望聊停寄食蹤黃梁尋舊夢白粲罷高春
自斷三生證誰將一飯供捉襟慚乞相洗鉢悟禪鋒
竈冷柴煙盡廚閒芋火封因緣隨分足餘藉不關胸
秋末晚菘

前期曾翦韭秋末畢園功撥瓮嘗新秬堆盤薦晚菘
撤來瓜架後挑向菊籬東冷束眠坡葉寒收踞地叢
留賓煮畦雪吹汝感天風菊醬清芬挹齋鹽旨蓄充

御冬將婦子養晦老英雄莫被斯民色春登二麥豐
清江飲君馬

相期惟飲馬清節望風降民縱居蠻落君休負蜀江
春流巴字曲空谷足音足轡攬投錢渚鞭停濯錦石
贈言方渙渙赴吻頗淙淙一勺如斯水雙旌蒞此邦
難肥秦苜蓄權賦楚蘭蒞到郡齋應作循良式冉駸
張良受書

避過秦墟火懷書走下邳一編從爾受五日累相期

寒松草堂試律

四

爲進先生履空煩力士椎因之呼孺子讀此足王師
圯上聞雞夜關中逐鹿時傳經幾已兆借箸事兼資
志待紆韓憤謀堪啟漢基商山歌四皓載拜古賢眉
武鄉祠

一體君臣合堂堂蜀相祠荒城憑白帝古木嘯黃鸝
恨與江山壯名兼宇宙垂愛傳巴父老薦用漢旌旗
羽扇神還護金刀祚已移典猶虛後主祀可耐佳兒
禮樂輸餘望艱危會去思精靈應不泯八陣控華夷

閒坐小窗讀周易

就坐攤周易銷閒讀未遲埽除孤榻淨開拓小窗宜
發牖相通處韋編屢絕時靜將參太極傲欲寄庖犧
借緣忘除草談元不揲著數年無大過一室得餘師
遠岫中間列連山次第披卦前應有畫半子在梅枝
垂老始知安樂法

世法應隨順垂垂老始知我心安汝止天命樂奚疑
早歲嬰多難中年任不羈危饒筋力頓憂退鬢毛衰

寒松草堂試律

五

得失俱忘處逢迎半笑時忽如僧解脫已覺叟支離
舊夢驚魂鹿餘生斷尾犧行窩洛陽陌擊壤是吾師
詔求微時故劍

珍重牀頭物情如故劍稀在廷空擬議有詔念寒微
此日金門捧當年暴室依言忘貧賤諱誓豈死生違
寶匣雙心鏤泥封五色揮舊恩難謬合正位許終歸
芒刺銜驂乘容儀慎副禕何須占望氣眷注篤椒闈
吾亦愛吾廬

欣欣推愛理天地共蘧廬物性爰知止吾生亦遂初
委心同宇內矯首向庭除松菊猶存徑柴桑已定居
况餘園可涉不病室無儲籬隔聞呼酒門關每讀書
旁觀殊局促此際獨躊躇莫惜追飛倦東臯伴荷鋤
李白雪夜飲酒聽客唱鷓鴣

誰引懷南客當筵唱鷓鴣雪深迷楚塞酒醒憶湘湖
越鳥工操曲吳姬笑捧壺曼疑榮苦竹凍已折荒蘆
江館愁中聽村場夜半沾此時應盡醉同類任相呼

寒松草堂試律

六

怨入行人別寒消飲伴孤興酣問儔侶能和郢歌無
岩堯太華俯咸京

俯覽長安勝岩堯壯詠題咸京周鑄下華岳漢關西
迴野川原合懸厓日月齊天門通箭括帝座接鉤梯
苑入南山近城臨北斗低五陵迴灞漭四塞盡巴氏
玉女敲仙佩金神肅鎮圭黃圖今拱

極無事請丸泥

天街雨後綠槐風

潑眼高槐綠晴開雨後佳風光盈帝里景物占天街
樓角殘虹褪牆陰薄日鏡對塵秋颯颯夾道溜階階
颭葉捎宮瓦飄花漬殿階禁蟬吟倍爽苑馬痒頻揩
涓滴霑俱渥音聲望早詣拜颺

温室近

閨澤被無涯

天台仙子送劉阮還家

鶴驂陪鹿駕雙引下天台自分仙緣淺非關客思催

寒松草堂試律

七

易銷惟豔福難脫是凡胎洞口持雲贈人間趁月回
落花休再返採藥莫重來此去茫茫路相思寸寸灰
闌數晶簾珠瀑卷金鑲石橋開惆悵桃源水分流背澗隈
温室越王歌舞春風地

黃屋何年罷榕陰鎖暮哀春風想歌舞勝地重徘徊
繫昔雄蠻服曾經築漢臺蠻童拳翠進龍女弄珠回
曉殿華鐘動晴帆璽詔來羽衣明似月銅鼓殷如雷
御憶歡娛日空餘竊據才霸圖今已矣惟是木棉開

李白春夜宴桃李園

少小東園裏多將桃李栽劇憐今夜宴還傍故鄉開
煙景三春勝光陰百代催誰家不風月大笑問樓臺
地爲成蹊著天教秉燭陪弟兄扶醉去兒女踏燈來
共羨團圓樂誰憐跋扈才公門千萬樹未可隸輿儻
碑到百蠻開

百蠻勞勅使冠冕擅鴻裁到海聲靈振鐫碑瘴癘開
地圖循犵路天語下鸞臺篆刻歸能事鋪張屬雋才

寒松草堂試律

八

卽今封禪舉同我太平來軌物華風鬯文章漢道恢
龍函重譯啟象輦九貞陪共羨絲綸美星軺實壯哉
退身江海應無用

乞郡曾江上移官更海濱退應無用處賺得自由身
鵝鷺行休附魚龍分所親世還容棄物天許作詩人
風鷁知難進沙鷗本易馴滄洲回短檣廣路謝方輪
兼濟平生志孤虛宿命辰空將一湖水流被浙軍民

金谷園

歌舞換荆榛猶傳石季倫河陽非昔日金谷更無人
缺甃曾椒壁寒灰是蠟薪座虛潘令鬢門斷賈侯塵
荒色徒媒禍居財亦累人珊摧三尺燄珠墜一樓春
梓澤花猶錦銅街草似茵思歸餘舊引倚笛幾傷神
馮驩爲孟嘗君焚券
磊砢馮夫子高風振海濱登輦何慷慨焚券漫逡巡
字滅三年盡光施四邑均此行惟市義公等莫憂貧
抵火投商主揮金復辭民半符銷落落七紙謝陳陳

寒松草堂試律

九

胥變酬恩客應無負債人他時論復相感激見情真
君向瀟湘我向秦

難挽瀟湘滌東流直到秦君歸三楚日我向五陵春
細草湖南路垂楊灞上津帆隨孤雁遠書挾敝貂貧
陔服雖分域巴邛若比鄰同爲朝暮客况是別離人
送爾當淮甸遲予沂洛濱何堪風笛裏江水背粼粼
買絲繡作平原君

繡出平原俠空餘意氣真五紋添綫弱二月買絲新

濁世如君少吾生向孰陳處囊羞碌碌抱布貿頻頻
符采酬知己文章屬後身爲憐天下士難狀路傍人
寶瑟攜何處金鍼度有神仍慚肝膽在作嫁老風塵
遠道空歸去

一別長安去偏驚遠道春陸機空入洛王粲已歸秦
耳熱高樓酒眉寒廣陌塵途窮慚贅壻金盡愧依人
漫負封侯相幾成逐客身泥塗羸馬頓風雪敝貂貧
舉世誰知己看雲獨省親趨庭還有日重待謁平津

寒松草堂試律

十

聊贈一枝春

小折寒梅樹分攜正及春可憐千里贈聊借一枝陳
落落彌增重些些莫厭貧此鄉無長物隨意報芳晨
南雪催傳驛東風送渡津多慚貽綺客權學弄珠人
蝴蝶憐尋夢鷓鴣喻寄身寸心將不盡略貢歲華新
海棠銀燭度春宵
抵塞良宵度風流退食人紗籠銀燭影錦簇海棠春
紫陌朝天近頽霞拂地勻九微銜鳳味萬朵點猩脣

梅聘伸前約蘭焚證夙因最宜妝照夜漸聽漏侵晨
西府神仙侶東華侍從臣劇憐歌繡枕輝映賜袍新
李都尉從軍
載言生死別握手淚紛紛假印行都護揚卮向馬軍
長纓殊念子禿節最憐君窟室氈曾齧河梁酒正醺
嘉魴羞一薦胡騎動千羣終覆穹廬恥難銘異域勳
論交期日月引義激風雲仰視參辰沒淒涼蝕劍文
隔江便是屈原祠

寒松草堂試律

十一

莫便輕投句荒祠近屈原截江橫楚岫隔岸豁荆門
指顧微波阻分明故祀存易邀山鬼語虛返水仙魂
的的芙蓉屋娟娟薜荔垣湘流如此大騷祖不祧尊
薄寢承松桂靈旗襲芷蓀蹇修何處問風雨九疑昏
荒村唯古木
古木橫谿外蒼蒼水氣渾西風吹落葉南谷接荒村
月照流亡迹沙蟠臃腫根明堂何日起遺社此材存
灰賸吹煙冷心留劫火溫雄狐跳白晝老鶴語黃昏

凍雨還垂地蕭風早閉門花時思命權但恐失桃源
翦寇人皆賀

夾路具壺飧人皆賀撫存提兵嚴部曲翦寇繫軍門
電掃潢池靖雷歡幕府喧么麼連膏鉞父老競攀轅
小隊紛鐃鼓前驅擁服韃民懷安堵慶吏拜典州恩
舞蹈如歸市傳呼已罷屯千營同一唱遮馬接金尊
月中聞擣萬家衣

萬家明月裏砒杵夜漫漫卽念無衣賦如聞擣素歎

寒松草堂試律

三

深閨應盡望古塞莫先寒不惜霜華重齊催木葉乾
離情怨遙夕秋思滿長安破鏡重圓易空箱久疊難
誰憐聲激楚徧照淚闌干料得依虛幌羅襪力已殫
孤燈寒照雨

留照雲陽館孤燈向客寒故人同逆旅涼雨徧長安
樹影低垂檻谿聲漸澀灘短檠搖榻畔急溜閃檐端
燄逼紅釭縮痕侵白袷單不勝今舊感相對別離難
楚塞秋先到巴山話欲闌明朝盼晴霽江海思漫漫

陳搏墜驢

倉卒黃袍著羣呼萬歲歡墜驢餘一老夾馬擁千官
側耳驚傳檄翻頭笑墜鞍喜心成絕倒蹇足任盤跚
道左仙蹤幻寰中殺劫完所欣天下定遑計此身安
微賜希夷號辭歸太乙壇華山留半局遺迹付陳搏
椒山自有膽

抖擻椒山膽蚺蛇任屈蟠三年冤獄黑千古壯心丹
信具包天概休同墮地觀渾身慚假借浩氣赴艱難

寒松草堂試律

三

霜挾封章厲星垂貫索寒鏡空憑孰照斗大請君看
熱血填供狀剛腸決杖癡老妻還伏闕苦語甚熊丸
壯士拂劍

大雅今疲茶空勞壯士歎放歌頻斫地拂劍一登壇
每被荆軻約曾邀辭燭看千金酬價盡寸鐵折心難
鬪虎名還盛聞雞夢已闌從軍瞻太白結客老長安
意氣論交熱精芒抵掌寒五陵遇公子起舞涕萑蘭
抱葉寒蟬靜

息盡平生妄鳴蟬悟靜觀葉稀仍在抱秋至早驚寒
露藉微軀飽風欺老鬢單薄陰銜蛻影舊夢續蜣丸
身苦居高厲心甘迫暮安多防成墜易深戒失音難
寂寞雕蟲技蕭森仗馬歎由來溫室樹虛映侍臣冠
到窗寒鼓溼無聲

聽徹連街鼓無聲到夜闌雨昏侵幔溼秋漸透窗寒
兩杖沈相併層軒滄不乾隔城雷隱隱潑戶霧溽溽
更已譙樓斷陰仍老屋團新涼催曉盡積溽報晴難

寒松草堂試律

十四

濡滯愁羈客蕭森感應官那堪高枕畔夢逐早鴉盤
胡人向月吹胡笳

紫鬢橫碧眼一嘯破愁顏月出長城上笳吹古磧間
風嚴沈瘳策霜勁夢刀環葉卷寒蘆翠花攀老桂殷
雁聲連薊海馬影望蕭關羌女歌應蹋胡兒獵未還
咽殘秦隴水照徧漢天山只令河源使頻驚兩鬢斑
詩境遇僧閒

自證詩三昧塵勞特地刪遇僧無可說卽境頓成閒

神已超方外心全出世間當師行腳駐值我撚髭還
流水爭歸澗孤雲獨去山往來緣各了執著意何關
字句空魔障才名等觸蠻東林能復社重約虎谿灣
只談風月

只就良宵景傾談向四筵賓僚皆入座風月不須錢
和氣披胸次清光舉目前適來隨影響何處著夤緣
落落無常主津津屬此賢不知明日事漫取古人憐
曠笑俱非是評章亦偶然雖鄰厓岸峻物我實兼全

寒松草堂試律

五

李鄴侯歸衡山

難奪衡山志吾欽李泌賢致君全父子貶已託神仙
獨向煙霞往雙辭日月縣功高留不可遇早退應先
切語安方鎮殊恩拜賜田聲名丹訣誤出處白衣憐
敝篋書千帙寒灰相十年重尋煨芋約了了證言詮
十年一覺揚州夢

判斷風流夢揚州過十年半生成薄倖一覺儘纏絲
幻跡迷胡蝶春魂化杜鵑分曹前御史伏枕小游仙

去國同何遜研都抵孟堅拋殘騎鶴地睡足放螢天
灣口茱萸帶梢頭豈蕙鮮齟齬餘味在城郭綠楊邊
其二
書記特翩翩揚州謾十年重來尋舊夢一覺了前緣
幻境逢場戲流光面壁禪覆餘隍畔鹿吟寄竹西蟬
邗上人歸也淮南路宛然江湖悲落魄身世誤游仙
簾自春風卷簫空夜月憐迷樓今已醒回首感華顛
至今白使君猶在

寒松草堂試律

六

風月今成憾江山昔有緣閒身餘我在故事託君傳
綜計徵還日兼銷致仕年歡娛隨處減強健仗天憐
張李殊媚態周殷并壤泉五篇詩尙記七老會猶聯
洛下居無恙吳中事宛然送人翻感舊寄語爲纏絲
籬下菊花憐我瘦

人殊憎我瘦籬下意偷然偶爾簪花去無端被菊憐
西風吹老鬢秋色拂吟肩列槿霜塍外攜筇露瓊前
不期扶病態轉結愛才緣落落陶徵士稜稜賈闥仙

平生矜骨傲晚節感恩偏脫盡癡肥相聊堪伴夜禪
胡騎中宵堪北走

真堪摧鐵騎北走向中宵苦調方成拍強胡已失驕
名垂劉太尉曲壓霍嫖姚坐嘯秋生塞驚呼夜度遼
關山羌淚盡城郭虜塵銷回望平沙闊長驅大漠遙
氈裘風獵獵毳幕月蕭蕭百萬弦徒控鳴鞭指斗杓
茅茨隱紅葉

楚楚茨休翦吾廬舊結茅白雲招客隱紅葉解人嘲

寒松草堂試律

七

蓬華三弓地珊瑚百尺梢夕陽楓徑轉秋色枳垣包
園柿經霜綻山榼著雨拋燕支塗老屋鴟柏障寒郊
背郭荆柴掩綠牆薜荔捐不妨矜晚景小話向林坳
海山宮闕醉蟠桃

蓬萊宮闕裏仙醞醉蟠桃渡海驂三鳥排山策六鼇
壺中酣雨露烏底躡風濤實結瑤池滿花開碧殿高
雲漿承屈注天果落周遭舞扑揮金斗歡呼漬錦袍
歲星偷數數會日樂陶陶更解銖衣去東廂換綠膏

開元宮人縫戰袍

開元勤遠略列衛建旌旄罷奉宮人帚爭縫戰士袍
殿前承敕密簾外策勳高霓羽停歌舞雕團競尺刀
含愁同作嫁裏血待酬勞南內深藏甲西征隱繫縑
君王真武庫兒女亦兵曹何似盤中錦回文寄寶滔
白樂天和浙西李大夫聽小童辭陽陶吹簫策歌
小童年十二名重辭陽陶不數杯柎舞偏工簫策操
收才歸上相顧曲屬吾曹九孔玲瓏按三篇唱和勞

寒松草堂試律

七

江山悲悄悄絲竹厭嘈嘈聲展描如筆音停截似刀
地憐吳郡遠城望潤州高後會羅昭諫當筵首重搔
蘇晉逃禪

繡佛終成幻長齋太覺勞悟來無相證醉後出禪逃
法席添公案空門放老饕打頭村店矮掉首戒壇高
暫避龐居士閒呼畢吏曹不須繩教律竟擬反離騷
淺笑當壚美雄談罵座豪瞿曇猶食肉回嚮擲屠刀
奇文共欣賞

嗜奇殊共癖欣賞忽相遭晚節猶存晉斯文合讓陶
輟耕招北牖載酒問東臯煙火通鄰並風流屬我曹
千秋從此定一字許同衰論世江河下觀天日月高
愜心齊獎借快意等爬搔還訂籬邊約餐英擷楚騷
浩歌待明月
爲待清宵月孤音入浩歌飛揚情不盡延伫意如何
星斗低昂久風塵抑塞多所期同皓魄此曲異陽阿
古調增嗚咽秋光與盪摩幾時升屋照三日繞梁過

寒松草堂試律

九

短笛橫椽竹疏巾挂壁蘿忽驚烏鵲起餘響振林柯
湘水無情弔豈知

欲洩湘壘憤無情感逝波上書嬰貶逐弔古極蹉跎
酒爲醜江漢文空贈汨灑有靈應我識不遇奈公何
鸞鳳翱翔去魚龍偃仰過誰憐遷客遠祇恨黨人多
冥漠天重問荒唐壁屢呵日斜閒鵬鳥託興豈銷磨

武陵一曲想南征

武陵翻一曲銅柱表巍峨內附收交阯南征仗伏波

喚春歸越嶠觸暑渡牂柯瘴逼鳶行墮聲催象陣過
銀釵猺女舞銅鼓馬人歌甲冑箐風厲旌旃茵露摩
五谿通正朔六詔隸山河縱被明珠謗功垂樂府多
韓蘄王湖上騎驢
舉目殘山水騎驢痛議和朝中投劾去湖上奉祠過
詩思隨鈴鐸游蹤避網羅壯心功券署蹇足戰癩磨
營柳憐淮甸宮花泣汴河馬浮南渡小車載北盟多
身世漁歌子勳名春夢婆翠微亭不遠行矣慎風波

寒松草堂試律

三

泥佗沽酒拔金釵

賸有釵堪拔無情尙泥佗折金拌抵塞沽酒且婆娑
絡索雙翹鳳珍珠一泛螺攢眉憐我甚押鬢奈卿何
略恨風流減深慚塊壘多從今敲枕罷計日貫裘過
髮澤芬猶膩愁顏醉便酩早知明鏡裏虛負綠雲拖
停梭悵然憶遠人

自君之出矣惆悵罷鳴梭遠道長相憶離人奈若何
無心驚蟋蟀有翼羨鴛鴦且復留殘緯彌憐負短戈

登山甘化石投水任騰波花樣翻多事瓜期誤又過
油窗思婦怨綺席惱公歌縱織盤中句憑誰寄玉河
花入曝衣樓
惱公會入夢憔悴半緣花衣想三銖曝樓看百尺誇
欄杆深犯月袴褶淺蒸霞犢鼻禪猶曬蛛絲網尙遮
塵流金屋鎖風浣絳河紗姪姁窺窗杳玲瓏拂檻斜
星如居上界天女散誰家悵悵同心結西陵油壁車
落花時節又逢君

寒松草堂試律

三

未料逢君地江南見落花分攜從亂後飄泊又天涯
客路三千阻韶光百五賒馬牛互奔走蜂蝶正喧譁
此會真疑夢殘生亦可嗟老還依大府春已盡長沙
重爲歌紅豆相將望翠華霑衣詢賀老何處泣琵琶
松月生夜涼
暝壑延虛夜幽期負夕陽多緣松助健忽覺月生涼
浩寫中衫韻森垂枕簟光輕濤迴石屋薄霧洗山堂
猿鶴紛瀟颯虬龍極莽蒼澗中明墜露空際碾流霜

短鬢疏逾爽，煩懷滌欲忘。
風泉餘汨汨，入聽拂琴張。
野寺寒塘曉，金蕪細柳芳。
天容百古碧，雲影一川涼。
回望東巖曉，清游別上方。
亂流通野寺，十里下寒塘。
禮閣聞僧語，橫谿放佛光。
樓臺懸積水，城市劃初陽。
長梵龍歸壑，朝飢鶴護廊。
霞凝潭影碧，月落塔陰黃。
槭槭芙蓉沼，蕭蕭薜荔牆。
又催塵夢醒，鐘鼓報雲堂。
我是玉皇香案吏，

故我非今我。焚香侍玉皇，蓬萊多伴侶。
案吏有輝光。

寒松草堂試律

三

綴序金爐側，分班黼座旁。
几敷天北極，衣惹殿中央。
白日趨東省，紅雲捧上方。
姓名留紀錄，聲價著文章。
詩許誇州宅，游曾歷帝鄉。
湖山雖管領，回首感滄桑。
自公退食一爐香，
一念殷勤祝移爐。
自炷香在公，慚鼎鉉退食愧膏梁。
侍史朝衣護聯曹，禁嚮嘗養賢。
吾腹負薦士，此心長
絲表委蛇度金薰，睡鴨鳴光對天容。
可告每飯不曾忘。
夙志非求飽私衷，敢信芳維馨。
斬勵德薰簋飭官方。

露筋祠

門掩白蓮塘綠湖疏柳黃露筋從附會遺貌儼清揚
澹月明桂珮微風動羽璫化離曾有女居處定無郎
羣小凶偏搆孤行禮自防貞心如鐵石利口亦馨香
足厲鬢眉愧還流骨幹芳奇文垂海嶽斷碣自堂堂
小婦破煙操去艇

操熟瓜皮艇朝朝小婦忙潮回排去浪煙破逗斜陽
直劈波紋碎中分水氣涼招搖攘皓腕飄泊損紅妝

寒松草堂試律

三

翠荇擘雙槩青菱溜半筐兩三兼婉女二八嫁漁郎
霧樹前谿隱風蓮夾岸香橋西無遠近或恐是橫塘
東風日煖聞吹笙

東風吹嫋娜煖日鎮簾旌偷結黃金鎖微聞紫玉笙
更番薰曉夢亂卷作春聲畫閣惺惺意銀河脈脈情
嬾飄蝴蝶影嬌學鳳皇鳴楊柳樓臺午梨花院落晴
宛然王子晉可是董雙成卻憶離亭月撩人趙女箏

關山月

回盡征人首關山數去程秋歸荒徼冷月傍戰場明
乍出祁連塞徐過滴博城馬駝微見影鷹隼不聞聲
劍鼻光如洗刀頭夢未成軍探沙際路鬼哭國西營
少婦停碁淚降蕃倚笛情蕭蕭過隴水猶認斗杓橫
王母晝下雲旗翻

彷彿瞻王母欣然下玉京雲翻華蓋駐風擁彩旗行
暝拜勞西望齋心感下迎天衣來有影露輦降無聲
瑞氣金桃獻神光羽扇擎碧雲書太乙白日祝長生

寒松草堂詠律

十四

鸞鶴隨鈞樂龍虬動翠旌武皇新受籙隔仗拜雙成
城上胡笳奏

荒笳三兩聲烏軋聽分明漢使防滄海胡圍解鄴城
俯催班馬飲高跨橐駝鳴白晝談兵去黃鬢結隊行
日棲殘堞暝沙咽古濠平樓角鴉羣起邊頭雁數驚
收回河北郡吹入國西營遙憶關山月中宵玉笛橫
流水聲中視公事

靜中流汨汨如效長官清公事祛塵事循聲視水聲

堂琴和瀑汎衙鼓趁泉鳴理觸盈科進心因入務平
引渠聞惠政按部燭私情花徑隨過續莎廳罷送迎
臣居在廉讓吏畏若神明欲逐滄浪興青山掩縣城
漢文有道恩猶薄漢書嚴助傳公祖炎焚市井
灑落君臣契緣何薄賈生恩難全躁競道未便紛更
謙讓毋高論周旋太寡情虛蒙宣室召重負洛陽行
身竟因讒去才休與命爭遭逢非不幸遷謫實無名
落日沈湘水浮雲蔽漢京空令卑溼地感遇涕縱橫

寒松草堂試律

五

廣文先生官獨冷

廣文甘寂寞吾獨惜先生交誼貧方見官資冷不平
一寒何至此三絕况知名自負人師望誰堪吏隱情
浮沈秦博士應接漢司成首藉霑微祿梅花訂夙盟
才憐明主棄敘信老儒清迴憶羣公路炎炎若市爭
黃葉前朝寺東吳詩話松軒柳菴蘇轍詩具青山蘇轍詩觀
道旁隋代寺黃葉亂飄零欲說前朝事如談轉世經
夕陽尋夢幻秋色鎮精靈鳴啞知僧去蟬鳴賸佛聽

風驚荒砦鹿星散
故宮螢老樹晴霜絢
寒灰劫火冥興亡
孤塢白搖落臥鐘青
下馬頻氈蠟新槌
舍利銘塔上一鈴
獨自語獨將無上語
證取向山靈海日浮
層塔江風動一鈴
旁惟飢鶻掠下有孽
龍聽帆鼓西津攔樓
鐘北固停孤音宣替
戾七級跨瓏玲絕頂
勞誰解憑空攝客惺
雨聲傳後驛天影落
中冷頓悟單提旨聞
根澈洞局僧敲月下
門

寒松草堂詩律

三

閒踏荒園月過門
訪李凝推敲爭兩字
問訊託孤燈結社期
無負當關報未曾
雙扉明白板一杖叩
蒼藤遠籟疏鐘和涼
痕破衲勝星高村犬
吠風細野猿磨空色
標圓相聲聞悟上乘
昌黎工棒喝不二證
傳燈尙能豪縱醉江
樓判斷中原望江樓
復此登狂歌豪不減
縱飲醉還能手築糟
邱可胸吞夢澤仍青
衫翻舊污白幘岸高
層喝月瓶長倒看潮
檻更凭河山紛兀兀
身世渴騰騰

俯仰如斯壯婆婆較昔勝老懷餘塊壘臨眺涕交膺
碁罷正留僧
補綴殘碁罷相遮正不勝逃禪因過客轉語爲留僧
未劫恩恩了餘懷睠睠增錯饒湯行者品待柳吳興
竹屋雖收局松堂未上燈山休論北顧寺莫返南能
檢點楸枰起安排茗具仍蒲團須共坐彈指證三乘
移燈看影憐渠瘦

誰憐渠解瘦詩骨共峻嶒移步來看影消閒爲上燈

寒松草堂試律

七

翠屏圍不定稿袂弱難勝夜色隨檠轉春光滿壁騰
官奴神翦翦處土意稜稜清到人皆見懼慚我未能
虛窗蛟脊動屋老鶴魂凝悔作棠顛照癡肥臙自憎
西入潼關雲樹愁
又入西州去潼關向客愁地高秦樹直天淨漢雲浮
北望邯鄲道東交灞澆流尋蹤仙尹宅回首仲宣樓
黯澹層門接蕭騷萬木稠岳蓮橫郭晚驛柳夾城秋
落日聞殘角平生負傲裘裁書謝親故拚作棄繻游

曉角滿城霜

空外忽吟嘯浩然荆楚秋飛霜滿城闕吹角在江樓
茂茂紅旗展茸茸碧瓦浮星沈山堞暝雲護野營稠
殘月爭垂手酸風正射眸殺聲歎睥睨寒色閃兜鍪
嗚咽他鄉感蕭條古戍愁切聽三奏罷薄日上林陬
如此江山坐付人

坐付陰平寇巖巖古益州江山如此險帝子本無愁
久棄東鄰好重煩北地謀兩川輪白馬三峽失黃牛

寒松草堂試律

三

兒戲甞方裏童駮縛自投奇功歸鄧艾大局誤譙周
綿竹猶傳戰樓桑罷復讐何堪憑故壘笑煞李元休
喬木荒城古渡頭

淮水東西坼荒涼繞渡頭無邊喬木晚不盡古城秋
飲馬臨關近鳴蟬抱樹稠楓杉餘野郭蘆荻半滄洲
羈旅蕭騷感精靈落莫游林中時嘯角橋外少橫舟
疏火山陽市清礎楚甸樓此鄉多俊傑仗劍問寒流
白頭宮女在

永巷三千寵深宮六十秋紅顏空有緜白髮已盈頭
自被良家選長嗟別院幽苦經天寶亂老鎖上陽愁
繫臂紗猶澤堆鬢鏡亦羞鬢憐妝後改恩決死前休
薄暈禁霜染餘芳似水流淒涼頒賜號誰復笑回眸
有酒惟澆趙州土入數對悲劍舞萬錢藥萬酒秦風
悲歌向趙州抔土感山邱惟有千鐘酒堪澆萬斛愁
大車餅累累廣陌路悠悠此地多豪俠平生孰匹儔
一傾螻蟻穴重貫鷓鴣裘弔古須登壠沾春不上樓

寒松草堂試律

五

數錢勞姪女憑軾謝諸侯莫令丁都護空蒙浪飲羞
老不登科文愈古懶欲尋仙去
老被斯文誤登科願不酬屢爲時所擯愈覺古難收
姓氏遺官榜聲華入選樓憑陵過漢魏隳括到秦周
已具空羣概還爭第一流學因年益窳道與命相讐
塵世誰青眼風檐漫白頭虞卿耽著作未是遺窮愁
虛舟真秦數尺觀眼幽苦聲天寶備法
獨契無心妙談非逞謬悠太虛渾是宅元氣合爲舟

不費推移力誰參抵牾謀雖逢彼怒動直與天游
齊物歸沖漠忘機聽去留逍遙原各適浩蕩復何求
濠上知魚樂堂坳喻芥浮尻輪隨意馬旻衍信同流
五月江深草閣寒

柴門迴草閣鞍馬簇江潯漲合雙流穩寒生五月深
風潭秋颯颯雲木夏陰陰瀘水曾西渡巫山下臨
一裘漁父感千尺故人心菰米漂波影梅花落笛音
牽羅重補綴賜葛幾銷沈莫惜滄洲晚魚龍伴苦吟

寒松草堂試律

三

玉堂金殿要論思

館職歸清要論思勵悃忱堂銜分白玉殿秩側黃金
雷對絲綸閣臚傳翰墨林重兼修史命切副讀書心
列署規王度聯曹勛爾音文章關制誥詞賦係規箴
地爲儲材勝

恩叨養望深幸陪

中祕選忝竊恐難任

邯鄲才人嫁爲廝養卒婦

回望鄴城陰花枝輦路侵才人真薄命廝養豈同心
名脫宮中籍魂銷竈下吟新昏連理木舊寵辟寒金
女伴還聯騎兵曹忽委禽夢猶縈鳳吹淚半溼牛衾
身世悲流落英雄感陸沈淒涼銅雀妓陵樹閉森森
耽酒須微祿青美外輩神膏常許數百母豈婦人
微祿霑何日餘生酒是耽應官須跋履入幕當抽簪
痼嗜一甌苦貧支五斗甘致身明主諒病肺老妻諳
判取舖糟樂渾忘脫粟慚杯寬容自放囊盈向誰堪

寒松草堂試律

三

司監錢猶索倉曹醞足酣軼聞吾不取牛炙辯醪醑
其二一風香文海法行外長門主籍賦賦
醒眼從何著微名詎足耽給錢須薄祿把酒恣雄談
白日他鄉醉青雲後輩慚債常行處有供豈故人堪
此樂同賢聖閒身稱簿參君王容老病弟妹付沈酣
阮籍窮愁泥馮唐宦味諳朝衣揮不惜典盡臥江潭
南窗石瘦竹疏疏不覺醉尋數睡木書齋報與金
石共詩人瘦疏疏竹氣涵焚香薰架上拈句到窗南

骨削疑松化陰稀
臙篔簹含隙光
青皺透紗影翠鬢
古蘚中邊繡秋花
罅漏參稜增鶴病
落落蔭雞談
拜丈臞尤稱生孫
密亦堪更填枯木
景寄傲向書龕
園林帶雪潛生草

條變園中景韶光
帶雪添林涵生意
滿草蘊化工潛
待伴餘仍蔭隨機
默不嫌春暉融木
末陽氣冒風尖
白逐牆凹褪青緣
砌縫淹蘇蘇晴著
樹潑潑煖侵簾
筍角猶含慄蓬心
已替嚴閒庭參物
理長養道相兼

寒松草堂試律

三

襟上杭州舊酒痕

憶昔杭州住題襟
興不凡舊痕餘白
酒別思滿青衫
京洛塵重沅潯陽
淚半攙薰猶迷草
色污漸變梅賦
往事清樽認殘香
故篋緘妓樓江月
醞官舫海潮鹹
還稱閒身著空憐
太守饒淋漓吟醉
墨新詠落吳帆

